

Minutes



Cyd-Bwyllgor Amlogiad Gwell Gwent

Date: Dydd Mercher, 29 Medi 2021

Time: 10.00 am

Present: Councillors J Taylor (Cadeirydd), Councillor R Jeavons, S Evans, K Williams and J Simmonds

Gareth Price (Head of Law & Regulation), Meirion Rushworth (Head of Finance), Joanne Hazlewood, Paul Dundon, Karen Sansom, Felicity Collins and Pamela Tasker (Governance Officers)

Apologies: Councillors Pratt, Meredith, Moore and J Hughes

1 Ymddiheuriadau dros Absenoldeb

Y Cynghorydd M. Moore, y Cynghorydd J. Hughes, y Cynghorydd Pratt, y Cynghorydd Meredith, Joanne Gossage, a Steve Tom.

2 Datganiadau o ddiddordeb

Dim

3 Cofnodion y Cyfarfod Diwethaf

Derbyniwyd cofnodion y cyfarfod a gynhaliwyd ar 27 Ionawr 2021 ac fe'u cymeradwywyd yn gofnod gwir a chywir.

4 Cytundeb Prydles Ffotofoltäig Solar Amlogfa Gwent

Rheolwr Cynorthwyol Lleihau Carbon – Mathew Preece

Rhoddodd y Rheolwr Cynorthwyol Lleihau Carbon (MP) gyflwyniad i'r Pwyllgor mewn perthynas â Grŵp Ynni Cymunedol Cymru (Egni Co-op) yn cynnig gosod paneli solar ar doeau gwastad a thoeau ar oledf yn Amlogfa Gwent.

Mae angen i sector cyhoeddus Cymru gyfan gael ei ddad-garboneiddio erbyn 2030. Mae gosod ynni adnewyddadwy fel paneli solar yn un o'r atebion gorau i ddatgarboneiddio unrhyw drydan y mae'r safle yn ei ddefnyddio.

Er bod Amlogfa Gwent yn cael ei rheoli gan y Cyd-bwyllgor, Cyngor Dinas Casnewydd sy'n gyfrifol am yr allyriadau carbon o'r adeilad. Felly, mae angen i Gyngor Dinas Casnewydd lunio strategaeth i ddatgarboneiddio'r safle hwnnw er mwyn i'r Cyngor fwrw ei darged o fod yn garbon niwtral erbyn 2030.

Dyweddod MP wrth y Pwyllgor fod grŵp ynni Egni Co-op wedi cysylltu â Chyngor Dinas Casnewydd yn ôl yn 2018 gyda'u cynnig i osod paneli solar ar do nifer o'i adeiladau. Cynhaliwyd gwerthusiad busnes ac ystyriwyd bod y dull perchnogaeth gymunedol penodol hwn yn fwy effeithiol na'r Cyngor yn ei wneud ei hun yn fewnol.

Dros yr 18 mis diwethaf, mae systemau paneli solar wedi'u gosod ar doeau 27 o safleoedd, gan gynyddu capasiti cynhyrchu ynni Cyngor Dinas Casnewydd o 35kW i 2300kW. Esboniodd y Swyddog i roi syniad o'r raddfa hon; byddai hyn yn 390 o baneli unigol i 7000 o baneli. Roedd hyn dim ond yn bosibl drwy ddefnyddio'r model ynni cymunedol hwn oherwydd diffyg adnodd mewnol y Cyngor i allu rheoli'r raddfa honno o waith mewn cyfnod mor fyr.

Y Trefniant

Siaradodd y Swyddog am drefniant y Model Perchnogaeth Ynni Cymunedol a sut mae'n gweithio. Cyngor Bwrdeistref Sirol Torfaen oedd perchnogion cyfreithiol yr Amlogfa a byddai angen iddo roi Prydles 21 mlynedd ar gyfer gofod to i'r grŵp ynni cymunedol. Fodd bynnag, byddai cytundeb gefn wrth gefn rhwng Torfaen a Chyngor Dinas Casnewydd, fel rheolwyr yr adeilad, i gydymffurfio â rhwymedigaethau'r landlord yn y brydles ac i indemnio Torfaen yn unol â hynny. Byddai Cytundeb Prynu Pŵer hirdymor yn cael ei roi ar waith i werthu pŵer o'r paneli i'r Cyd-bwyllgor ar gyfradd ffafriol, a sicrhawyd y byddai hyn yn llai na'r tariffau ynni presennol. Bydd Egni Co-op yn gwneud yr holl waith cynnal a chadw yn ystod y 21 mlynedd ac yn talu costau'r holl yswiriant angenrheidiol. Os oes angen symud y paneli am ryw reswm ar gyfer gwaith yn ystod y 20 mlynedd, bydd Co-op Egni yn talu iddynt gael eu symud a'u hailosod yn ystod tymor y Brydles. Ar ôl i'r Brydles 21 mlynedd ddod i ben, gall Egni Co-op naill ai drosglwyddo perchnogaeth o'r gosodiad i'r Cyd-bwyllgor neu symud y gosodiad ar eu cost.

Wrth wneud hynny, byddai'r Cyd-bwyllgor yn cael y budd llawn o'r paneli solar o'r pwynt hwnnw.

Mae opsiwn i brynu'r system gyfan yn ystod y Brydles, os teimlir ei bod yn well gwerth am arian. Nodwyd y byddai Amlogfa Gwent yn talu 10% yn is na'r tariff amser dydd gan y darparwr ynni presennol ar gyfer trydan a gynhyrchir gan y paneli solar.

Byddai Tîm y Prosiect yn goruchwyllo'r gwaith o osod y paneli solar ar do Amlogfa Gwent fel y mae wedi'i wneud gyda'r 27 o safleoedd eraill yng Nghasnewydd. Y buddion fyddai arbedion carbon ac arbedion ariannol, a fyddai o fudd uniongyrchol i Gyngor Dinas Casnewydd gan ei fod yn talu'r biliau ar gyfer Amlogfa Gwent ond byddai hynny'n lleihau'r costau gweithredu i'r Cydbwyllgor ac yn cynyddu unrhyw ddosbarthiad neu gyfran elw i'r awdurdodau eraill.

Egni Co-op – Sefydliad Cymunedol

Sefydliad cymunedol sy'n ariannu ac yn rheoli'r gwaith o osod paneli solar yng Nghymru yw Egni Co-op. Eu prif nod yw lleihau allyriadau carbon, cynnwys pobl mewn gweithredu ar yn y newid yn yr hinsawdd ac nid ydynt o reidrwydd yn ymwneud â gwneud elw. Mae ganddynt dros 3 megawat ar doeau ledled Cymru ar amrywiaeth o adeiladau gwahanol. Byddai'r grŵp cymunedol hwnnw'n rheoli'r gosodiad o safbwynt cleient o ran iechyd a diogelwch.

Dyluniad a Gynigir

Cyflwynodd MP ddyluniad y cynnig ar gyfer y gosodiad. Byddai'n 99 o baneli solar gyda 50 o optimeiddwyr pŵer ac 1 gwrthdröydd. Byddai ganddo arae 36kWp, gallai'r safle gymryd mwy ond mae'r gofod to yn cyfyngu ar hyn. Dau fath gwahanol o do, sef gwastad ac ar oledf felly bydd gofyn am dechnegau mowntio gwahanol.

Buddion y Prosiect

Tynnodd MP sylw at fuddion y prosiect hwn gan y gallai'r Cyd-bwyllgor gyflawni arbedion refeniw ar gyfer y safle o flwyddyn un, gyda chyfraddau trydan is wedi'u gwarantu drwy'r Cytundeb Prynu Pŵer a heb unrhyw gost i'r cyd-bwyllgor am gofrestru.

Byddai'n dosbarthu fel datblygiad a ganiateir gan ei fod yn llai na 0.5 hectar a byddai'n cydymffurfio â'r gofynion dylunio fel y'u rhestrir yn y Ddeddf Cynllunio Gwlad a Thref.

Siaradodd y Swyddog hefyd am fanylion caffael a chyflawni'r gosodiad, byddai amrywiad contract cytunedig i'r contract presennol rhwng Cyngor Dinas Casnewydd ac Egni Co-op, byddai Cyngor Dinas Casnewydd yn gweithredu fel rheolwr y contract ac mae eisoes wedi archwilio'r partner gosod. Mae wedi llwyddo i ddarparu ar safleoedd eraill gyda Chasnewydd ochr yn ochr ag awdurdodau eraill Cymru. Mae gwersi hefyd wedi cael eu dysgu o osodiadau blaenorol i'w defnyddio ar gyfer y gosodiad hwn a byddai data byw hefyd yn cael ei ddarparu gan y system fesurydd i weld faint o arbedion ariannol a charbon sydd wedi cael eu gwneud drwy'r gosodiad.

Lliniaru Risg

Mewn perthynas â'r achos busnes a ddosbarthwyd i'r pwyllgor, trafododd y swyddog y mesurau lliniaru risg.

Mae Cyngor Dinas Casnewydd wedi drafftio'r Brydles i ddiogelu'r landlord bob amser, hyd yn oed i'r pwynt lle mae angen atgyweirio/disodli'r to. Os byddai angen hyn ar gyfer yr amlogfa, byddai'r grŵp ynni cymunedol paneli solar yn talu am symud ac ailosod y paneli yn llawn er mwyn i'r gwaith atgyweirio fynd yn ei flaen.

Risg arall yw, os yw'r safle'n cael ei ddymchwel neu ei werthu, mae angen prynu'r paneli hynny gan nad oes gan y grŵp ynni unrhyw warant i werthu'r trydan yn ôl i'r safle os caiff y berchenogaeth ei newid. Rhoddwyd gwybod i'r Pwyllgor y byddai hyn yn cael ei ystyried yn risg eithaf bach gan nad oes bwriad ar unwaith i werthu Amlogfa Gwent.

Roedd MP eisoes wedi trafod y risg o her gaffael gydag uwch swyddogion a Phennaeth y Gyfraith a Rheoleiddio. Y consensws oedd nad ydynt yn teimlo bod risg ac y gellir ymdrin â hyn fel estyniad ac amrywiad i'r contract presennol.

Byddai Casnewydd i bob pwrpas yn gweithredu ar ran y Landlord ac yn gwneud y gwaith sydd ei angen er mwyn i'r paneli solar gael eu gosod. Gan y gellir gwerthfawrogi efallai na fydd gan Dorfaen yr un mynediad i'r adeilad os oes angen, byddai Casnewydd yn indemnio Torfaen yn erbyn pob atebolrwydd dan y Brydles.

Safbwyntiau Amgylcheddol ac Ariannol

I grynhoi, o safbwynt amgylcheddol; byddai caniatáu gosod paneli solar yn symud y Cydbwyllgor tuag at y targed a osodwyd gan Lywodraeth Cymru o ran sectorau ynni adnewyddadwy, gydag ynni adnewyddadwy mewn perchnogaeth gymunedol ac yn unol â tharged 2030 y sector cyhoeddus yn sefydliadol ac yn genedlaethol.

O safbwynt ariannol, nid oes cost i'r cyd-bwyllgor am gofrestru gan fod y system yn eiddo i'r grŵp ynni cymunedol ac yn cael ei gweithredu ganddo. Yr unig gost i'r pwyllgor fyddai prynu'r ynni adnewyddadwy gan y cwmni, ond bydd hyn yn rhatach na'i brynu gan ynni'r ddarparwr.

Esboniodd y swyddog y byddai arbedion refeniw yn cael eu gweld o flwyddyn 1 gyda chyfraddau is wedi'u gwarantu drwy'r Cytundeb Prynu Pŵer. Dros ugain mlynedd, gallai hyn ddod i tua £30,000. O'r flwyddyn gyntaf amcangyfrifir y bydd yr arbedion tua £1800.

Oherwydd yr amrywiad contract cytunedig, byddai ymarfer symlach i ddarparu erbyn diwedd y flwyddyn ariannol hon.

Gofynnodd y Cadeirydd am gwestiynau gan y Pwyllgor i'r Rheolwr Cynorthwyol Lleihau Carbon i'w hateb ar y mater.

Gofynnodd y Pwyllgor y canlynol:

- Gofynnodd y Cynghorydd Jeavons a fu asesiad i gael gwybod a yw'r to yn ddigon cryf ar gyfer y paneli hyn.

Cadarnhaodd y Rheolwr Cynorthwyol Lleihau Carbon y bydd arolwg adeileddol yn cael ei wneud cyn i'r paneli gael eu gosod. Gweithir yn unol â Newport Norse i sicrhau nad oes angen gwneud gwaith atgyweirio mawr cyn y gosodiad, gan y byddai hyn yn wrthgynhyrchiol ar gyfer yr atgyweiriadau cychwynnol sydd eu hangen.

- Gofynnodd y Cynghorydd Evans a oes bwriad i godi ar y Cyngor o ran faint o ynni mae'n ei ddefnyddio; sut byddai'r tîm yn gwybod y byddai'n gystadleuol yn y farchnad, o ystyried y sefyllfa bresennol gyda phrisiau biliau ynni.

Ymatebodd MP gan ddweud y byddai gostyngiad wedi'i warantu ar yr hyn y byddai'r cyd-bwyllgor neu'r safle yn ei dalu i'r darparwr trydan rheolaidd. Er enghraifft, yn hytrach na thalu i EDF Energy 15 ceiniog yr uned o drydan fel arfer o'r grid cenedlaethol, byddai'r Cyngor yn defnyddio'r ynni o'r paneli solar ar gyfradd is, felly byddai'n talu 14 ceiniog, gan arbed 1 ceiniog. Trwy'r flwyddyn byddai hynny'n arwain at arbediad o £2000.

- Dywedodd y Cynghorydd Evans fod costau biliau ynni fel arfer yn codi bob chwarter, yn ogystal â chostau uned. A fyddent yn aros yn sefydlog neu'n cynyddu?

Esboniodd MP y byddai'n tracio'r gyfradd fesul uned o ddechrau'r flwyddyn ariannol. Er enghraifft, pe bai EDF yn cynyddu i 16c y flwyddyn ganlynol oherwydd chwyddiant; byddai arbediad o 0.6c.

Dywedodd Karl Donovan (Newport Norse) y comisiynwyd contractwr i wneud gwaith ymchwiliol ar atgyweirio'r to. Bydd yn cynnwys sgaffaldiau ar bob ochr i'r amlogfa. Ni fydd modd gwybod maint llawn yr hyn sydd o'i le ar y to nes ei archwilio.

Cytunwyd:

Roedd y Pwyllgor yn deall pwysigrwydd lleihau carbon, a chytunodd i opsiwn 3 yr adroddiad.

Cytunodd i ganiatáu i'r paneli solar gael eu gosod a chaniatáu i Gyngor Dinas Casnewydd ac Egni Co-op gyflawni'r cynllun erbyn diwedd y flwyddyn ariannol hon yn amodol ar archwilio'r to ymlaen llaw.

5 **Adroddiad Monitro'r Gyllideb 2021/22**

Cyflwynodd y Partner Busnes Cyllid (JH) y sefyllfa monitro'r gyllideb i'r Pwyllgor fel ar ddiwedd mis Awst.

Esboniodd y swyddog y rhagwelir lleihad mewn incwm o £254,000.00. Bydd gwariant yn cael ei orwario £142,000 gan roi diffyg cyffredinol o £396,000 cyn unrhyw ddsbarthiad.

Ar hyn o bryd mae dosbarthiad y gyllideb y cytunwyd arno ar gyfer eleni yn £950,000. Os yw'r sefyllfa'n aros yn unol â'r hyn a ragwelir, gyda diffyg o £396,000 a chynnal y dosbarthiad presennol o £950,000, byddai'r Cyd-bwyllgor yn edrych ar dynnu £874,000 o falansau.

O ran y balansau, nododd JH eu bod yn £1.4 miliwn ar hyn o bryd, byddai cymryd yr £950,000 ohonynt yn gadael balans o £562,000. Dyma'r sefyllfa ddiwedd mis Awst felly y gobaith yw y bydd y sefyllfa hon yn gwella.

Rhoddodd JH wybod am yr amrywiadau a ragwelir ar y safle; gellid priodoli'r gorwariant i raddau helaeth i rywfaint o'r gwaith atgyweirio y bu'n rhaid i'r Cyngor ei wneud ac i'r angen i ddisodli'r uned cyfnewidydd gwres a'r ffan ar gyfer yr offer lleihau mercwri.

Roedd hyn yn angenrheidiol fel gwariant, hebdo, ni fyddai dau o'r amlogwyr yn gweithio.

Mae cynnydd yng nghostau'r safle dros y pedair blynedd diwethaf, mae costau cysylltiedig â'r safle wedi cynyddu 44%. Dywedodd y swyddog fod hyn yn bennaf oherwydd oedran a natur yr offer sydd angen eu disodli a'u trwsio.

Ar hyn o bryd mae'r gwasanaethau'n dangos tanwariant o £8000, sy'n tueddu i fod yn ymwneud yn fwy â'r gyllideb gwasanaethau a chyflenwadau annibynnol. Mae rhan o hynny wedi'i dynnu gan y ffaith bod y Pwyllgor wedi disodli'r teyrngedau gweledol a'r uwchraddiad sain; felly disodlwyd yr offer sain er mwyn galluogi teyrngedau gweledol. Mae hynny wedi'i dynnu o'r gyllideb gwasanaethau a chyflenwadau.

Mae'r gyllideb refeniw yn talu'r costau ar gyfer yr uwchraddiad sain llawn fel y cytunwyd yn flaenorol gan y Pwyllgor i hyn ddod allan o gronfeydd wrth gefn.

Mae'r incwm ddiwedd mis Awst yn dangos rhagolwg o £254,000. Cyflwynodd y swyddog dabl i'r Pwyllgor a oedd yn dangos bod hyn o ganlyniad i ostyngiad yn nifer yr amlogiadau o gymharu â'r cyfnod diwethaf. Rhybuddiodd y swyddog ei bod yn rhy fuan i ragweld a fydd yn cynyddu.

Y risg y rhoddodd y swyddog wybod amdani i'r Pwyllgor yw bod diffyg a ragwelir o £874,000. Er mwyn sicrhau bod y dosbarthiad o £950,000 yn dal i gael ei fodloni, bydd yn rhaid tynnu swm sylweddol o gronfeydd wrth gefn i gynnal y sefyllfa honno.

Mae'r cynnydd mewn costau adeiladu o ganlyniad i'r angen i ddisodli'r boeler a'r ffan i sicrhau bod y ddau amlogwr yn gweithio; y gobaith yw y bydd hyn yn lleihau'r costau cynnal a chadw parhaus.

Atgoffodd JH y Pwyllgor i nodi'r man monitro'r gyllideb ddiwedd mis Awst ac i fod yn ymwybodol o'r effaith y bydd hyn yn ei chael ar y cronfeydd wrth gefn a gedwir gan y Pwyllgor wrth ystyried y gwaith a grybwyllwyd yn yr adroddiad. Croesawyd sylwadau gan y Pwyllgor.

Gwnaeth y Pwyllgor ofyn y cwestiynau canlynol/gwneud y sylwadau canlynol:

- Atgoffodd y Cynghorydd Jeavons y Pwyllgor i ystyried y pwyntiau hyn gyda'r eitem sydd wedi'i heithrio ar ddiwedd yr agenda cyn unrhyw farn. Yn hapus i leihau'r swm ond hoffai i'r Pwyllgor ystyried yr eitem olaf cyn gwneud penderfyniad ar hyn.

Dywedodd y Pennaeth Cyllid (MR) fel swyddog adran 151 fod dau gwestiwn. Un yw ddim yn gwybod a fydd y sefyllfa'n gwella ai peidio gyda'r gwaith papur i nodi a fydd yn cael ei drafod yn ddiweddarach yn y cyfarfod ar gyfer eitem 9a. Mae ganddo'r potensial i effeithio ar y sefyllfa hon.

Pan osododd y Cyngor y cyllidebau dyma fyddai'r flwyddyn olaf y byddai dosbarthiad o £952,000 yn fforddiadwy, gan ei bod yn ymddangos bod y sefyllfa wedi gwaethygu ers hynny.

Esboniodd MR yr edrychir ar ddau opsiwn eang; lle gellid cynnal dosbarthiad eleni a'r flwyddyn nesaf ond bydd yn rhaid lleihau dosbarthiad y gyllideb eleni. Os ddim, oni bai ei fod yn gwella'n sylweddol yn ystod pum mis olaf y flwyddyn ariannol, yna byddai'r Cyngor yn edrych ar ostyngiad sylweddol mewn un flwyddyn. Dyna'r ddau fater. Gellir gwneud y penderfyniad hwn yn y cyfarfod nesaf. Mae £400,000 yn sefyllfa anodd i wella ohoni, a bydd yn rhaid ystyried materion pellach ar gostau adeiladau yn rhan o'r sefyllfa hefyd.

Tynnodd y Partner Busnes Cyllid sylw at yr amrywiad yn yr adenillion a ailddatganwyd ond dywedodd nad yw'r llinell waelod wedi newid. Roedd newid o £3940 rhwng costau staff a thaliadau eraill. Mae hyn yn ymwneud â ffioedd canolwyr meddygol a dalwyd drwy system gyflogres y Cyngor a'u trosglwyddo i wasanaethau a chyflenwadau i ddod allan o ffioedd proffesiynol.

Cytunwyd:

Cytunodd y Pwyllgor y bydd yn ymwybodol o'r sefyllfa ariannol a esboniodd JH, pan fydd yn rhaid iddo wneud y penderfyniad yn y cyfarfod nesaf.

6 Prisiau Teyrnged Gweledol

Cododd y Cynghorydd Jeavons yr eitem hon er mwyn i'r pwyllgor edrych ar strwythur prisiau ar gyfer y teyrngedau gweledol.

Dywedodd y Cynghorydd Jeavons, pan edrychodd y Pwyllgor ar y diffyg a ragwelir o chwarter miliwn o bunnoedd, y gallai'r teyrngedau gweledol helpu gyda hynny, gan fod amlosgfeydd eraill hefyd yn cynnig y cyfleuster hwn.

Awgrymwyd i'r Pwyllgor y dylai edrych yn fanwl ar hyn gan fod y Cynghorydd Jeavons yn cytuno gyda'r syniad o osod y teyrngedau, gan mai dyna'r hyn mae ymwelwyr ei eisiau.

Nododd y Cadeirydd fod Amlosgfa Gwent ychydig yn rhatach na'r cystadleuwyr eraill ar bob un o'r elfennau.

Nodwyd yr awgrym hwn gan y Pwyllgor i'w ystyried

7 Adroddiad y Trefnydd Angladdau

Anfonodd y Trefnydd Angladdau ei ymddiheuriadau felly dim i'w drafod yn y cyfarfod presennol.

8 Adroddiad y Rheolwr

Nododd Rheolwr y Tîm (PD) fod gwerthiannau cofebion bob amser yn newid ond bod niferoedd amlosgiadau wedi tyfu. Ar hyn o bryd mae Amlosgfa Gwent yn elwa o'r teyrngedau gweledol sy'n boblogaidd. Mae'r opsiwn hwn wedi creu refeniw ychwanegol trwy wasanaethau. Mae'r adborth wedi bod yn gadarnhaol iawn ar yr hyn y mae'r ymwelwyr yn ei weld.

Mae hefyd yn arwain at fwy o amlosgiadau gan fod sefyllfaoedd lle byddai pobl yn mynd i angladdau eraill gan fod gan leoedd eraill y cyfleuster hwn pan nad oedd gan Amlogfa Gwent.

Mae'r niferoedd ar gyfer angladdau bellach yn tyfu'n fawr ac mae Amlogfa Gwent yn llawn bron bob dydd sy'n dda ar gyfer refeniw.

Gwefan

Mae'r wefan yn boblogaidd iawn oherwydd y llai o ryngweithio wyneb yn wyneb o effaith y pandemig.

Gosod Offer Sain

Aeth popeth yn ôl y bwriad o ran gosod yr offer sain. Roedd gan y tîm ychydig ddyddiau o amser segur felly cafodd y gwaith ei wneud ar yr un pryd. Felly ni wnaeth yr amlogfa golli mwy o ddefnydd o'r adeilad nag yr oedd angen.

Mae'r gwelliant yn boblogaidd iawn ac wedi gwneud gwahaniaeth enfawr yn y capel.

Awgrym Sgrin gan y Cwmni Cyfryngau

Awgrymwyd gwelliant pellach i Reolwr y Tîm gan y Cwmni Cyfryngau.

Dyweddodd y cwmni y gallai'r amlogfa ddisodli'r sgrin 50 modfedd yn ardal y clwysty, gyda gwaith gwifrau ac offer trydan ychwanegol. Er mwyn sicrhau, pan fo teyrngedau gweledol yn cael eu harddangos ar y sgrin deledu, yn hytrach na gweld delwedd y camera o fewn y capel yn unig, byddai sgrin y clwysty'n dangos y teyrngedau gweledol felly byddai'r sgrin lawn yn cael ei llenwi â delweddau o'r hyn y mae'r teulu wedi'i awgrymu.

Nodwyd bod hyn yn sicr yn rhywbeth y mae cystadleuwyr yr amlogfa yn ei gynnig.

Rhoddyd pris o £2885 i PD gan gynnwys yr holl geblau a'r gwaith gosod. Nid oes angen gwneud hyn ond os yw'r pwyllgor yn ei gymeradwyo, yna gallai'r rheolwr drefnu iddo gael ei wneud.

Strwythur Prisio – eitemau dewisol

Mae'r pwyllgor eisoes wedi cymeradwyo'r gost am deyrngedau gweledol ond yn dilyn hynny mae'r rheolwr wedi cael gwybod am bethau eraill y gallai'r amlogfa eu gwneud ond nid oedd yn gwybod pryd y byddai'r gwaith gosod yn cael ei wneud.

Nododd PD syniad pwysig ar gyfer y rhestr brisiau, i'r cyfleuster godi £75 am archebion a wneir ar ôl y torbwynt ar gyfer archebu teyrngedau gweledol (mae'r torbwynt ar ôl 72 awr). Nid oes unrhyw elw wrth wneud hyn, ond mae'n ffi y mae'r cwmni'n ei chodi gan anfon delweddau o'r fath yn hwyr yn achosi anhawster. Felly byddai'n fater o anfon y ffi yn ôl at y teuluoedd.

Awgrymodd PD ddileu'r ffioedd presennol ar gyfer recordiadau CDau, USBau a DVDau, nid yw CDau erioed wedi bod yn boblogaidd ac mae'r cwmni cyfryngau yn cael trafferth gwneud y rhain gan fod y rhan fwyaf o'r staff yn gweithio gartref nawr.

Awgrymwyd ailenwi'r eitemau hyn, cadw'r ffi £92 a chynnig ffeiliau y gellir eu lawrlwytho; yr un peth ond gan gynnwys teyrngedau gweledol o ffotograffau teuluol ar y ffeil a lawrlwythwyd. Nid oes gwahaniaeth yng nghost hyn. A chynnig yr un peth gyda CDau a DVDau ond am £92 ar ben y £92 arall am y ffeiliau y gellir eu lawrlwytho. Undod o gost ar draws yr eitemau a fyddai'n fwy addas i bobl.

Amseroedd Gwasanaethau

Mae'r cynnydd yn amser gwasanaethau wedi bod yn boblogaidd iawn gyda'r cyhoedd sydd wedi rhoi adborth cadarnhaol. Mae wedi bod yn allweddol wrth gynyddu nifer y gwasanaethau y mis, felly mae wedi bod yn llwyddiannus.

Gan fod yr amlogfa bellach yn cynnig gwasanaethau 45 munud o hyd, nid oes angen mwyach i estyn gwasanaethau. Cynigiodd Rheolwr y Tîm ddileu'r opsiwn hwnnw o'r rhestr o wasanaethau. Nid yw'r cyhoedd wedi gofyn am estyniad ers cynyddu amser gwasanaethau.

O ran y cynnig ar gyfer gwasanaeth coffa; ar hyn o bryd mae Amlogfa Gwent yn codi £196 am Wasanaeth Coffa, lle mae pobl yn dod â lludw neu lle mae gwasanaeth wedi digwydd mewn amlogfa arall ac maent yn gwneud gwasanaeth gyda'u teuluoedd lleol yn Amlogfa Gwent.

Mae hyn yn dileu'r amser ar gyfer amlosgi, ac felly'n lleihau'r amser aros ar gyfer gwasanaethau; hoffai'r rheolwr archwilio sut y codir tâl am hynny.

Felly, cynigiodd PD ffi amlosgi safonol o £828, gan ddileu cost amlosgiad heb neb yno sy'n £450 sy'n gadael tâl o £378. Mae hyn yn rhoi ein refeniw lle dylai fod dan amgylchiadau arferol. Byddai'n ychwanegu eglurder i'r strwythur prisio.

Mae'r Amlogfa wedi llwyddo i gadw gwobr y faner werdd am y bumed flwyddyn yn olynol. Ac mae wedi llwyddo i gadw ei gwobr aur am gynllun meincnodi siartr y galarwyr am y trydydd tro yn olynol.

Byddai'r newid i amseroedd gwasanaethau hirach a phrisiau teyrngedau gweledol yn ychwanegu at hyn ac yn atgyfnerthu sefyllfa'r Amlogfa.

Tynnu Sylw at Ymddeoliad Aelod Staff Hirsefydlog

Dywedodd Rheolwr y Tîm wrth y Pwyllgor fod y Doctor Brian Wilcox sydd wedi bod yn ganolwr meddygol yn yr amlogfa ers 1982 yn ymddeol ar y diwrnod hwn. Fe yw'r canolwr meddygol sydd wedi gwasanaethu'r hiraf yn y wlad ac mae wedi bod yn gaffaeliad enfawr wrth redeg yr amlogfa; yn ogystal â ffrind a chydweithiwr gwych i dîm yr amlogfa dros y blynyddoedd.

Trosglwyddodd y Pwyllgor ddymuniadau da am ei ymddeoliad ac awgrymodd y pwyllgor anfon llythyr i ddiolch iddo am ei wasanaethau dros y blynyddoedd.

Cytunwyd:

1. Cymeradwyodd y Pwyllgor y gost a roddwyd o £2885 am ganiatáu'r gwaith i ddangos teyrngedau gweledol ar y sgrin.
2. Gwnaeth y Pwyllgor gytuno a chymeradwyo newid y CDau/DVDau i ffeiliau y gellir eu lawrlwytho gyda ffeil weledol gan gynnwys teyrngedau i aros ar £92. Cadarnhaodd Rheolwr y Tîm fod trefnwyr angladdau yn ymwybodol ar bob achos o'r torbwynt ac mai dim ond un achos lle roedd angen codi tâl.
3. Gwnaeth y Pwyllgor gytuno a chymeradwyo'r awgrym i gost Gwasanaeth Coffa adlewyrchu gwir gost amlosgiad, heb y gost am amlosgiad heb neb yno; gan y cadarnhaodd Rheolwr y Tîm gyda'r Pwyllgor mai anaml iawn y gofynnir am hyn. Gwnaeth ystyried y ffaith y byddai'r gwasanaeth yn cymryd amser, ac ystyried dileu'r opsiwn i estyn amser ac mae'n hapus i adennill taliadau os oes angen.
4. Cytunodd y Pwyllgor y gall yr amlogfa ddileu'r opsiwn am amseroedd gwasanaethau estynedig.
5. Byddai Clerc y Pwyllgor yn ysgrifennu llythyr o ddiolch i Dr Brian Wilcox ar ran y Pwyllgor i ddiolch iddo am ei wasanaeth rhagorol.

9 Eitemau Eithriedig neu Gyfrinachol

Penderfynodd y Pwyllgor wahardd y wasg a'r cyhoedd wrth ystyried yr eitemau canlynol gan eu bod yn cynnwys gwybodaeth eithriedig dan Atodlen 12A Deddf Llywodraeth Leol 1972 oherwydd manylion ariannol cyfrinachol.

The meeting terminated at Time Not Specified